

Өвс хадлгын хуралгын хойриг дегц кехмн

Хадсн өвсиг цаглань хурадж авхла олна малд үвлин шимтэ сэн хот белдгхнй ил. Тер учрар, мана танггчнн нүүрлгч совхозмуд, колхозмуд өвс хадлгын болн өвс хуралгын хойриг дегц кеджэцхэнэ.

«Ленинский» совхозд ода деерэн (13-ч июнд) хадчкн 7.000 гектар өвсн хурагдад уга. Иим тасрха болх учр уга билэ, юнъгад гихлэ, совхозд дала күчтэ машид бээнэ. Болв эн өвс хурадг машид ода деерэн өдрэ кемджэгэн дуту күцэгэад, икэр хамхрад, зогсад бээнэ. Совхозд бээх 9 подборщикэс 5 көдлджэхш, түлкдг 6 волокушас 4 көдлджэхш, 3 стогометателэс 1 көдлджэхш.

Совхозин дөрвдгч фермд өвс хадлгын эклснэс авн тракторн агрегатс ут-түрдан 55 өдр зогсдж, хойрдгч фермд — 40 өдр зогсдж. Хойрдгч фермин тракторист Санджиевин «ДТ-54» гидг трактор хадлгэнд йовсн 15 өдрин 13 өдртнь хамхрха болад зогсдж. Өвснэ хадлгэнд болн хуралгэнд гарч йовх эн дуту-дунд йовдл совхозин гардвр, түрүн болдж ах механик үр Сидоровский селэнэ эдлахун машидиг мууггар-ясдж белдснэ уршг болджана.

Ода өвснэ хадлгэна гүргү цагт совхозин механичск мастерскойин ахлачнр тракторн болн нань чигн машидин хамхрха дуту-дундинь цаглань чиклхд оньган ик сээнэр өгчэхмн, үлгүрнь, тракторист Черноволосин «ДТ-54» гидг тракторагэн совхозин механичск мастерскойин хаша дотр хойр өдр, машинд кергтэ эрэсд күлэггэад зогсдж, тракторист Санджиевас «ДТ-54» гидг тракторагэн гурвн өдр зогсдж, юнъад гихлэ, гаражин ахлач Ратников, Санджиевин

трактор ясх электродрель летучкас гурвн өдр дарандан авхан мартад бэадж. Кесг трактормуднь пускач уга. Эн трактормудиг зогсдж одхлань, көдлгүлхин кергт, талдан көдлджэсн тракториг көдлмшэснь зогсана.

Өвснэ хадлгэнд йовх улс герэсн ик холд йовдж көдлджэнэ. Тегэдчн эдн дунд машиггэр йовад эд-тавр, шикрбалта, тэмк, нань чигн юм хулдлгын кегдх зөвтэ. Болв Ленинск рабкоопин ахлач тиим хулдвр ода деерэн бүрдэджэхш.

Олна малд хойр джилэ шимтэ өвс белдхэр шунмгэа кевэр седклэн тэвдж «Ленинский» совхозин көдлмшчнр шунджана. Эн ик оньчта төриг күцэхднь гол ормиг совхозин механизатормуд эзлх зөвтэ. Механизатормудин көдлмшт совхозин ах механик оньган тэвдж тодрха гардврар теткх зөвтэ.

Я. ДЖАМБИНОВ.

Танггчнн райодар өвс хаддж, хуралгын

(июнин 16-д, процентэр)

Райодин нерд	Хадлгын	Хадгдснас овалгдснь.
Яшалтинск	75,5	60
Приютненск	73,6	57
Западн	53,8	77
Элистинск	46	48
Каспийск	36	80
Черноземельск	34,9	58
Сарпинск	34,7	46
Целинн	33,4	31
Юстинск	29,4	48
Яшкульск	24	45
Приозерн	21	37